

CYNGOR CYMUNED MANORDEILO A SALEM
CYFARFOD 9fed RHAGFYR 2015

Cynhaliwyd cyfarfod o Gyngor Cymuned Manordeilo a Salem am 7.30pm ar y 9fed Rhagfyr 2015 yn Ystafell Ddarllen, Cwmifor.

PRESENNOL

Cynghorwyr Alun Davies, Arwel Davies, Jill Davies, Gwenfil Evans, Hubert Gwynne, Peter Harries, Dorian Jenkins, William Loynton ac Owen Williams.

1. CROESO AC YMDDIHEURIADAU

Cymerwyd y Gadair gan y Cyng. P. Harries a chroesawodd bawb i'r cyfarfod. Derbyniwyd ymddiheuriadau gan y Cynghorwyr Doris Jones ac Andrew Thomas a'r Cynghorydd Sir Joseph Davies.

2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams, eiliwyd gan y Cyng. D. Jenkins gyda phawb yn gytûn, bod cofnodion y cyfarfod diwethaf a gynhaliwyd ar yr 11eg Tachwedd 2015, fel y maent wedi'u teipio a'u dosbarthu, yn gywir. Arwyddwyd gan y Cadeirydd

3. DATGANIADAU O DDIDDORDEB

Fe wnaeth y Cyng. P. Harries ddatgan diddordeb ar y drafodaeth ar Hysbysfwrdd Capel Isaac.

4. MATERION YN CODI

4.5.4.5vii) Dim pellach gan Gyngor Sir Caerfyrddin (C.S.C.) mewn perthynas â'r mater sydd ar waith o ddifffyg lle pan fydd cerbydau'n parcio dwy ochr y ffordd y tu allan i Ystafell Ddarllen Manordeilo.

4.5.11i) O weld yr ymateb gan Asiantaeth Cefnffyrdd De Cymru (S.W.T.R.A.) mewn perthynas â'r gylchfan ar ochr ddwyreiniol Ffordd Osgoi Llandeilo, cytunwyd y dylid ei roi yn eitem ar agenda'r cyfarfod nesaf. Mae'r ymateb fel a ganlyn: '*Mae'r planhigion a roddir ar y gylchfan yn cael effaith bositif ar y modd y mae gyrwyr yn ymddwyn oherwydd mae'n annog traffig i arafu ac i gadw at gyflymdra diogel wrth ddynesu at y gylchfan.*

Rydym wedi asesu lefelau presennol y tyfiant sydd ar y gylchfan a byddwn yn tynnu ychydig o'r planhigion oddi yno'r Hydref hwn er mwyn sicrhau bod pobl yn medru gweld yn dda o amgylch ac wrth ddynesu at y gylchfan. Nid oes unrhyw gynlluniau i waredu unrhyw blanhigion mwy o faint o'r gylchfan.' Clerc

4.12i) Dywedodd y Cyng. P. Harries fod Mrs L. Davies wedi cytuno i wneud gwaith cyfieithu i'r Cyngor (ac y byddai hyn ar y raddfa a gytunwyd iddo'n flaenorol sef £40.00 y 1,000 o eiriau). Clerc i gysylltu â Mrs Davies. Clerc

5iii) Mae'r holiadur sydd wedi'i gwblhau wedi'i gyflwyno i C.S.C. i gefnogi'r cynigion am Orchymyn Amddiffyn Mannau Cyhoeddus Sir Gaerfyrddin. Y gorchymyn sy'n ymdrin â chŵn yn baeddu, cŵn ar dennyn ac o dan reolaeth a gwahardd cŵn.

5iv) Adroddodd y Cyng. O. Williams ar gyfarfod Fforwm Blynnyddol Strategaeth Gymunedol Integredig C.S.C. a fynychodd ar y 1af Rhagfyr. Yn y cyfarfod canolbwyntiwyd ar Ddeddf Llesiant Cenedlaethau'r Dyfodol (Cymru) 2015. Mewn perthynas â'r ad-drefnu arfaethedig o awdurdodau lleol, amlygodd y Cyng. Williams y duedd tuag at gydweithio rhwng cynghorau tref a chymuned cyfagos.

5.vi) Mae'r Holiadur Asesu a oes digon o gyfleoedd chwarae i blant wedi'i gyflwyno i C.S.C., Adran Gwybodaeth i Deuluoedd, Gofal Plant a Chwarae.

12i) Dywedodd yr Adran Briffyrdd fod y mater o ganghennau rhydd a choed yn pwysu dros y ffordd rhwng Salem a Phenybanc wedi'i ddatrys. Bydd yr Arolygydd Priffyrdd nawr yn gallu ymgymryd ag archwiliad o'r coed gan gyflwyno rhybuddion i'r tîrffeddiawyr perthnasol, os oes angen.

5. GOHEBIAETH

i) Cyfriflen Banc Lloyds dyddiedig 01/12/2015, Taflen Rhif 75, Gweddill £9,689.39 Nodwyd

- ii) Cyfriflen Banc HSBC dyddiedig 15/11/2015, Taflen Rhif 304, Gweddill £621.49 Nodwyd
- iii) Llywodraeth Cymru, Ymgynghoriad ar y Bil Drafft Llywodraeth Leol (Cymru). Nodwyd
- iv) Twf Gwyrdd Cymru, Opsiynau am Gymorth Buddsoddi, Ymgynghoriad. Nodwyd
- v) Cymdeithas yr Iaith, hysbysiad o gyfarfod agored i drafod iaith dydd i ddydd C.S.C., i'w gynnal ar y 30ain Ionawr 2016, 10.30am yn Llyfrgell Caerfyrddin. Nodwyd
- vi) Un Llais Cymru, cais i fynychu Garddwest Palas Buckingham a gwybodaeth arall yn cynnwys hyfforddiant, cyfarfod pwyllgor ardal, holiadur adborth, apwyntiadau ac ymgynghoriadau. Nodwyd
- vii) Mae'r Cyng. D. Jones wedi mynegi bod yr Hysbysfwrdd yng Nghapel Isaac wedi torri. Fe wnaeth y Cyng. P. Harries ddatgan diddordeb a gadael yr ystafell. Daethpwyd o hyd i ddyfynbrisiau fel a ganlyn: C.S.C. - £250 a TAW; Gwasanaeth Adeiladu Iwan Harries - £237. Cynigiwyd gan y Cyng. Jill Davies, eiliwyd gan y Cyng. D. Jenkins gyda phawb yn gytûn y dylai'r Cyngor dderbyn y dyfynbris o £237.
- viii) Copi o'r ohebiaeth rhwng Mr S. Thomas a Thŷ Hafan, mewn perthynas â phryderon am eu cynrychiolwyr yn gwerthu tocynnau loteri o dŷ i dŷ gyda'r hwyr. Er ar yr achlysur hwn roedd yn achos dilys, teimlwyd bod gwneud galwadau gyda'r hwyr fel hyn yn medru achosi gofid i drigolion oedrannus yn enwedig. Nodwyd hyn gan y Cynghorwyr a phe bai pryderon tebyg yn cael eu mynegi, yna mae'n bosib y caiff ei drafod. Pawb
- ix) Canolfan Therapi Plant Bobath Cymru, cais am gymorth ariannol. Chwef

6. GOLEUADAU

Dim i'w drafod.

7. LLWYBRAU TROED

Dim i'w drafod.

8. CYNLLUNIO

E/32971 Adeilad Amaethyddol Ffrâm Bren
 Penrhiw
 Manordeilo
 Llandeilo
 SA19 7DB
 W Richards

E/30001 cyfarfod 14eg Mai 2014 - **Mae sylwadau eisoes wedi cael eu gwneud yn lleol a hefyd rhai pryderon wedi'u mynegi i Gynghorwyr mewn perthynas â defnydd cyfredol o'r adeilad ac a yw'n cael ei ddefnyddio at ddibenion personol yn unig.**
Nid yw maint y sied arfaethedig i weld yn gydnaws ag erwau'r tir sydd ar gael.

E/33015 Addasiadau ac Estyniadau
 Pantyffynnon
 Salem
 Llandeilo
 SA19 7NR
 Dim Sylwadau

9. CYFRIFON I'W TALU

Cytunwyd i dalu'r canlynol:

- i) Mrs J. Davies, Cyflog y Clerc Rhagfyr 2015 a threuliau, Siec Rhif 1152 £426.03

CYFANSWM £426.03

10. UNRHYW FATER ARALL

- i) Cynhelir Gŵyl y Goeden yn Salem y penwythnos canlynol. Yn dilyn trafodaeth, cynigiwyd gan y Cyng. W. Loynton, eiliwyd gan y Cyng. A. Davies a chytunwyd yn unfrydol gan y Cyngor y rhoddir rhodd o £50 yn hytrach na choeden Nadolig. Eleni bydd yr enillion yn mynd at Ambiwylans Awyr Cymru. Clerc
- ii) Mae Mr R. Evans wedi cysylltu â'r Cyngor mewn perthynas â'i wrthwynebiad i'r tyrbin gwynt unigol yn Salem a'r hyn sydd wedi bod yn y wasg leol nad oedd yn adlewyrchu'r gwrthwynebiad sylweddol yn lleol i'r datblygiad. Nodwyd

Gan nad oedd unrhyw fusnes arall, diolchodd y Cadeirydd i bawb am ddod a daeth y cyfarfod i ben am 8.35pm.

.....13eg Ionawr 2016
CADEIRYDD